



Векало ПахІала Тите яздина кехат

Тита кхечу кьомах схьаваьлла вара. Иийсах тешаш верг а хилла, хаза кхаь кхайкхоран балхахь ПахІалан гЮьнча хилира цунах. *Векало ПахІала Тите яздина кехат* Крит-гІайре тІехь волчу шен кьоначу гЮьнче дахьийтина ду. ПахІала иза цигахь витира Иийсах тешначийн тобанашца боьзна болу болх дІакхехьа. Кехат тІехь язбина кхо коьрта хьехам бу.

Цкъа-делахь, яздархочо Титина дагадоуьйту, критахойн вон амал хиларан тидам а бина, динан тобанан куьйгалхой муха амал йолуш хила беза аьлла. ШолгІа-делахь, Титина хьехам бо, Иийсах тешаш болчу нехан тайп-тайпана тобанаш муха Іамо еза: баккхий нах, баккхий зударий (ткъа цара кьона зударий Іамо беза), кьона божарий, леш. Эххар а яздархочо Титина дуьйцу, Иийсан долахь болу нах муха лела беза аьлла. Уьш машаре а, эсала а хила беза, ткъа цабезамах а, сонтачу кьийсарех а, динан тоба йохош дечу кьамелех а ларбала беза.

Дешхьалхе

1 ¹ХІара кехат ду Делан лай волчу а, Дала леррина кьобалвинчу Иийсан векал волчу а ПахІалера. Со Дала кьобалвина Ша хаьржина болчу нехан тешар нийса хилийта а, суьпа муха даха деза гойтуш долу билггал бакьдерг адамашна довзийта а. ²И кхочушдарца Дела волчохь хедар доцучу дахаре сатийсар ло. Цкъа а харц воцучу Дала заманаш йолаялале дуьйна а хьалха вайна и дахар лур ду аьллера. ³Шена хеттачу хенахь Дала Шен дош довзийтира. Вайн КІелхьардохург волчу Дала, сох а тешна, и дош дІакхайкхор суна тІедиллира.

⁴Иийсах тешар вайшиннан цхьаь хиларна, билггал сан кІант волчу хьобга яздо аса, Тита.

Вайн Да волчу Делера а, вайн КІелхьардохург волчу Дала леррина кьобалвинчу Иийсагара а долу дика а, синпаргІато а хулийла хьуна.

Титас Крит-гІайре тІехь кьахьегар

⁵Аса Критехь хьо витар хІара Іалашо йолуш дара: цигахь даза дисина гІуллакхаш хьобга чекхдахийтар а, ас хьайна тІедиллина ма-хиллара, динан тобанаш йолчу массо а гІаланашкахь тхьамданаш дІахІиттабар а. ⁶Ишттанаш дІахІиттабелахь: шайн леларехь вониг ала хІума доцуш, цкъа бен зуда ялоза берш. Церан бераш а Иийсах тешаш хила деза. Цхьаннан а йиш хилийта ца еза, церан бераш сийсаза лела, я уьш Далла муьтІахь дац ала. ⁷Делан болх шен карахь берг санна, шен леларехь ала вон хІума доцуш хила веза динан тобанан гІайгІабийриг. Ша лакхара а ца хеташ, оьгІазе а, сиха а воцуш, маларна тІера а воцуш, леташ а, девне а воцуш, ахчанца шена пайда а ца лобхуш, хила веза иза. ⁸Безамца хьеший тІе а оьцуш, диканиг а дезаш, собаре а волуш, оьзда а волуш, Далла тешаме а волуш, юхаозавала а хууш, хила веза тхьамда. ⁹Иштта оха хьехначу, теша хьакь долчу хьехамашна тІегІерташ хила а веза иза. ТІаккха нийсачу хьехамашца кхиберш иракараХитто а, оцу хьехамашна дуьхьал берш харцбан а йиш хир ю цуьнан.

¹⁰ХІунда аьлча кІезиг бац адамаш карзахдохуш кьамелаш дийраш. Цара, даьсса хабарш а дуьйцуш, нах Іехабо. Къаьсттина Иийсах тешаш болчу сунтбинчех лаьцна боху ас хІара. ¹¹Уьш совцо беза. Дийнна доьзалш хІаллакбо цара, цаоьшург кхайкхош. Эхь а ца хеташ, шайна пайда лобхуш до цара иза. ¹²Царна юкьара волчу цхьана пайхамаро аьлла а ма ду хІара: «Критахой гуттара а бу харцлуьйш а, акхаройн кьизалла йолуш а, тІингар юзу малончаш а». ¹³И нийса аьлла а ду-кх. Цундела мел болчу кьовламца харцбе уьш, церан тешар нийса хилийтархьама. ¹⁴Жуьгтийн кьоман туьйранаш а, билггал долчу бакьдолчун тІера дІабирзинчеран хьехамаш а тергал байта ца беза цаьрга. ¹⁵Цхьаболчара олу: «ЦІена болчарна массо а хІума цІена ду, ткъа кьинош летийначарна а, Иийсах ца тешачарна а цхьа а хІума цІена дац». Амма церан ойланаш а, дегнаш а телхина ду. ¹⁶Шайна Дела веза олу цара, амма шаьш лелош дерг бахьана долуш Цунах дІабоьрзу уьш. Уьш хьакь долуш бу вай царах ца даша. Уьш Далла муьтІахь бац. Цхьана а тайпана дика гІуллакх шайгара далийта церан хуьнар дац.

ЦІена хьехамаш

2 ¹Ткъа ахьа билггал бакьболчу хьехамашца догІуш дерг хьеха. ²Сема а, хьанал а, собаре хилар а, ткъа шайн тешарехь а, безамехь а, собар хиларехь а уьш цІена хила безар а хьеха баккхийчу нахана. ³Иштта баккхий зударий а кхетабе, цІена а, лараме а лелаш, мотт а ца бетташ, маларан дола а ца боьлхуш, кхечарна диканиг а хьобхуш, уьш хила безарх.

^{1:4} 2 Коринтхошка 8:23; Галатахошка 2:3; 2 Тимапига 4:10.

^{1:6-9} 1 Тимапига 3:2-7.

⁴Цаьрга хъехийта къоначарна шайн майранаш а, шайн бераш а дезар.
⁵Собаре а, цѐна а, шайн доьзалийн бала болуш а, дола деш а, дика хила безарх а, шайн майранашна муьтIахь хила безарх а кхетабе уьш, цхьаьнг-ге а Делан дашах лаьцна вониг ца алийтархьама.

⁶Иштта къона божарий а кхетабе собаре хила ⁷массо а хIуманна тIехь. Царна хьайгара дика масал гойтуш хилалахь. Хьайн хьехамашкахь дог-цѐна а, оьзда а хила. ⁸Хьайн хьехам цѐна хилийта, тIехтохам бан йиш а ца хуьлуьйтуш, хьайн мостагIа, юьхьIаьржачу а хIоьттина, вайх лаьцна ала цхьа а вон хIума доцуш витархьама.

⁹Лешна а хьеха шайн олахошна муьтIахь хила безарх а, цара олахошна массо а хIуманна тIехь там бан безарх а, олахошна уьш дуьхьал лен ца безарх а лаьцна. ¹⁰Кьола а ца деш, тешаме уьш хила безар а хьеха царна, цара лелош долчу дерригено а вайн КIелхьардохург волчу Делах лаьцна хьехамаш хазбархьама.

¹¹ХIунда аьлча массо а адамашна кIелхьардохуш долу Делан дикалла гучуделира. ¹²Иесалла а, дуьненан боьха лаамаш а дIа а тесна, собаре а, догцѐна а, суьпа а лелаш кху заманчохь даха хьобху вайна оцу дикалло. ¹³Вай иштта лела деза, къобалдинчу сатийсаре ла а дуьйгIуш: иза хир ду сийлахьчу Делан а, вайн КIелхьардохург волчу Дала леррина къобалвинчу Иийсан а* сийлалла схьадар. ¹⁴Цо вайн дуьхьа Шен дахар дIаделла, вай муьлххачу а зуламех паргIатдахархьама а, Шен долахь долу а, дикачунна тIегIиртина долу а халкъ къиноьх цIандархьама а.

¹⁵ХIара хьеха дезарш а хьеха, хьайн мел долчу олалища иракара а хIиттабе уьш, шен-шен метта а хIиттош, дIанисбе, цхьа а хьох ца вешаш ца хилийта.

Иийсах тешарш муха лела беа

3 ¹Нахана дагадаийта шайш хьаькамашна а, куьйгаллехь болчарна а муь-тIахь хила безар а, муьлхха а дика гIуллакх дан шайш кийча хила безар а. ²Цхьанна а ле а ца луьйш, машаре а, эсала а, массо а адамашца шайш кIеда-мерза хилар а гойтуш, хила беа уьш. ³ХIунда аьлча вай а ма дара цхьана хенахь сонта а, Далла муьтIахь доцуш а, тиладелла а лелаш. Тайп-тайпанчу боьхачу лаамийн а, дегIана там лехаран а леш а хилла, обгIазаллах а, дераллах а, хьогIах а дуьзна, вовшийн а ца дезаш, дехаш дара вай.

⁴ Вай КIелхьардохург волчу вайн Делан дика а, адамашка болу Цуьнан безам а гучубаьлча,

* ^{2:13} Сийлахьчу Делан а, вайн КIелхьардохург волчу Дала леррина къобалвинчу Иийсан а. Я иштта: сийлахь Дела а, вай КIелхьардохург а волчу Дала леррина къобалвинчу Иийсан а.

^{2:14} Забур 129:8; Арадакхар 19:5; Карлабаьккхинарг 4:20; 7:6; 14:2; 1 Кипин 2:9.

⁵ вай дина долу бакъахьара гIуллакхаш бахьанехь а доцуш, ткъа Шен къинхетамца кIелхьардаьхна вай.

Шен Дезачу Синехула
 Цо вай цIан а дина,
 юха а кхоьллина,
 карла а даьхна.

⁶ Ша леррина къобалвина волчу,
 вайн КIелхьардохург волчу Иийсагахула
 Дала шортонца тоьхна вайна
 Шен Синан Iаь.

⁷ Шен маьхза долчу диканца Цо вай бакъдина,
 Ша волчохь хедар доцучу дахаре кхача сатуьйсучех
 вай хилийтархьама.

⁸ И дош бакъ ду.

Цундела суна а лаьа оцу тIехь хьо латта, Делах тешнарш дика гIуллакхаш дарна тIехь кхиамаш баха гIертийтархьама. Иза дика а ду, адамашна пайден а ду. ⁹Сонтачу къийсарех а, шайн хьалхалера тайпанаш хьехош къуьйсуш дечу къамелех а, товрат-хьехамех лаьцна дечу девнех а, хабарех а ларлолахь. Уьш пайден а дац, даьсса а ду. ¹⁰Цкъа а, шозза а айхьа хьехамаш бина болу нах бекъаболуьйтург Iадвита, ¹¹и стаг, нийсачу новкъара гал а ваьлла, къинош а летош, ша-шена кхел еш лелаш хилар хьайна хаьа дела.

ТIаьхьара хьехамаш

¹²Артем я ТихIак аса хьайна тIеваийтича, со волчу Никупола-гIала схьаван хьажа сихо елахь, хIунда аьлча цигахь Iа даккха сацам бина аса. ¹³Иедал девзаш волу Зину а, Апа-Леса а дика леррина новкъа ваккхалахь. Царна оьшучу цхьанна а хIуманна тIехь ледарло ма елахь. ¹⁴Вайнаш а Iа-ма беа шайн хан дикачу гIуллакхашна яйа, дахарна оьшург тоьал хилийтархьама а, царах пайденна боцуруш ца хилийтархьама а.

¹⁵Соьца болчара массара а хьобга маршаллаш доуьйту. Тхо санна Делаш а тешаш, тхо дезачаьрга массаьрга а маршаллаш ло тхобгара.

Делан дика хуьлийла шуьца массаьрца а.

^{3:12} Векалийн 20:4; Эпасхошка 6:21, 22; Ковлусихошка 4:7, 8; 2 Тимапига 4:12.

^{3:13} Векалийн 18:24; 1 Коринтхошка 16:12.